

賄賂上呼罪反下音路株朱莖反谿澗上漢字反下音兼煥火色盛治音鑄冶音銷鎔消容館古緩  
舍上許其反火色盛治音鑄冶音銷鎔消容館古緩也  
齋上許言反不韋也奮翻上方問反不韋也  
搏四各反摶各博取也

處亦無不處亦無所說亦無不說亦無有常  
亦無不常又復悉是諸如來等宿世本願之  
所誓行開示群萌演達諸根悉是威神所化  
聖至斯爲佛子諸菩薩衆遊入如來大般泥  
洹所入無限無所坐礙究竟法界無邊中間  
虛空之界又如來者則爲自然無起不滅處

佛說如來興顯經卷第四

羌十三

西晉元康年三藏法師竺法護譯

復次佛子如來至真等正覺又有三昧名無  
所著定意正受現大滅度適以斯定而正受  
時如來儀體一一毛孔演出難計億百千垓  
光明暉曜一一光明變出蓮華不可計會一

真本際若欲現時使諸黎庶悉得休息普以  
威神有所建立皆示一切衆生法界順化其  
性而演法雨雖有緣覺惟菩薩了於是頌曰  
佛定王無著 一切衆生尊 大哀力無極  
周徧於身陰 處在正真道 分別演法雨  
光潤無想念 普世各各異 欲慕如斯慧  
諸十力之心 觀察最勝聖 以何等爲道  
普於諸多方 黎庶諸有形 念一切衆空  
無自然無身 菩薩善權慧 變師子蓮華  
安隱若干處 衆生之法界 一切安住聖  
自在成智謀 以此無極慧 超越諸有身  
法界無人物 其在於十方

緣覺所由居 惟有佛了斯 違法界無餘  
又察諸法界 不增無所損 親觀最勝聖  
一切慧自在 習學若不學 有為及無為  
諸安住自在 不損無所增 不盡無所起  
佛慧不可限 猶如水流行 漸漸如次徧  
柔潤於土地 其水無諛詭 地亦無想念  
令水不周徧 莲修精進力 一切廣分別  
十力無邊際 解諸衆生界 一切廣分別  
思惟安住慧 則隨蓮修行 斯等群萌類  
知是不復義 與立精進事 勞令無有餘  
何謂佛子菩薩而聞如來所現當入一切衆  
德之本菩薩以斯無盡真行不以虛妄觀於  
卷十三

自然之法有所毀落如是佛子從於佛法隨  
如來教廬德雖薄皆以破壞一切有為所住  
塵勞如來慧者則應無為悉無所有除諸聖  
礙如來所殖衆德之本而無所滅猶如有人  
積聚薪草如須彌山如芥子火投於薪上即  
時悉然令無有餘所以者何其火之誼主有  
所燒行者如是雖於如來種福德少悉燒塵  
勞令無有餘速得親近歸於滅度所以者何  
則永究盡諸所蔽礙已於如來種德本故滅  
衆瑕穢如有大藥名曰善見設覩其色聞聲  
貌香服食佩形眼耳鼻口身意自然清淨若  
終入地變為醫藥則復療病如是仁者如來  
至真為大藥王具以聖慧饒益衆生多所療  
治若觀如來色身眼耳鼻口身意自然清淨  
徹聽若鶴戒香鼻自然淨服嘗法味充飽衆  
行其有得聞如來所講舌自然淨辯才無量  
若有遭遇如來光明便得法身其有思念於  
如來者其心等淨其有供養如來至真則成  
體不淨之器解散五藏悉無所有又其風者

德本除勞塵病今屬佛子勸喻顯示其有見聞於如來者則能淨除陰蓋罪患若見聞說無歡喜信佛令斯等殖成德本不爲虛妄至得滅度是見如來若聞聲者而德遊入衆德之本因得除斷諸不善法則普證明衆道之元靡所乏短悉以解了引諸譬喻如來興顯

一切威儀不可引譬喻爲假喻也佛之功德不可思議超度諸心欲以開化群萌志性令得悅豫以故如來爲諸菩薩引諸譬喻欲令解達斯非正要如是洪範則是如來祕奧之藏斯則名曰一切世間所不及知乃入如來之妙印也如來大慧無極聖明之種性也名曰

懷來一切菩薩一切衆生所不能及名曰遊入如來境界平等之土名曰淨群黎界悉令無餘名曰普說一切根源諸所堅礙又復至真不爲餘人說斯弘典惟爲志求大乘行者無思議乘講菩薩道又斯經典終不歸餘趣諸菩薩猶如佛子轉輪聖王金輪白象紺馬

明珠玉女藏臣兵臣自然七寶有斯化來不歸餘人惟當趣王嫡太子也所以者何因其聖后懷胎而生則爲具足轉輪聖王設使正后生是太子則爲具足爲聖王相若壽終者轉輪聖王所有七寶七日之後悉沒不現則無有餘如是比像經典之本終不歸趣於他人也惟當至於正覺長子如來族姓道所生者殖種如來之德本者假至法身遵修正士則當蒙恩數不得父亦當逮成如是色像如來祕藏經典之要不斷三寶法若沒盡便無見者所以者何一切聲聞及緣覺乘不能堪任逮是典要亦不聞音何況受持諷誦讀者

惟歸大人諸菩薩手書在經卷請著堂宇是故佛子若有善根得聞斯講志性惻惻敬侍法師供奉所安當受斯典所以者何設有菩薩篤信影摸當成無上正真之道菩薩大士無央數億百千妙劫奉行積累六度無極而復懷來道品之法遵修悲哀亦不入斯如來

卷十三

無極不可思議不聞不進斯非名曰爲菩薩設有菩薩講說如來無量礙慧篤信入道而不狐疑斯乃名曰爲眞菩薩則不違失諸通慧彌普能究竟一切世法大聖之行隨如來教於諸佛界而無所著皆得建立諸菩薩法

便得通達諸佛正典而無沉吟道品境界多所變動由得自在立成諸法於衆菩薩威神巍巍尋入如來無量礙界是以菩薩若聞斯法普至安住道意無限又其志性力勢至真皆棄衆相應與不應入在聖明一切如來悉在目前所可念者了虛空界遵奉三昧開心發悟其有行入無量法界爲諸菩薩志所造立成就衆德而得自在暢達通慧除世衆垢發心無餘其周普周一切十方入菩薩道去來今佛合爲一塗等趣德本勤助聖華道利群生使興道心開化未聞當入斯法入無所入無能得便皆令諸法歸無因緣常造斯念

順一切智及一切法悉爲無限菩薩已能遊入若茲所思念者則爲少事所入難及其慧自在威神巍巍普賢菩薩承佛聖旨說是法時十方不可稱計億百千垓塵數諸佛國土六返震動十八部變而現感應如來威神顯暢法施則雨天華空箜篌樂器不鼓自鳴散衣

第十三

五

服飾諸蓋幢幡所雨衆香超於天上諸名芬熏雜香擣香天上瓔珞又復雨降大如意珠又其光明越天所珍讚曰善哉菩薩之道過於諸天永寂無形而不可思議清淨莊嚴諸佛國窟德徧雨瓊瑤不可思議清淨莊嚴諸佛國土成最正覺而悉雲集雨無量法講雅頌音亦歎如來所講言語猶如菩薩於四大域初成正覺建立發起成就菩薩而令欣喜如是計八十億垓百千佛土滿其中塵各越如是諸佛國數現在諸佛見普賢菩薩聞所言講而遙讚曰善哉善哉鄉族姓子是爲如來所

分別說不可思議所以者何建立真諦遊入法界又是十方八十不可稱計億百千垓佛之世界滿其中塵一切諸佛自然有音而說經法吾等於此而見告詔猶如余黨被蒙開化亦如一切諸佛講法等無差特又若百千國中塵數一切菩薩皆得神通入諸三昧因

見十方佛當授決一切悉獲一生補處歸於無上正真之道千佛國土滿中塵數衆生之類悉發無上正真道意皆爲聖尊所見授決盡於將來無數佛土塵數之劫當得爲佛号曰佛界之手如來至真等正覺而常建立於斯法講當來菩薩聞所未聞宣暢奉行于此

無能喻者佛教隨時導利偏御諸菩薩衆所獲從宜諸根調定宿世所行無所忘失普賢菩薩威神恢廣爲諸通等威聖愷悌采見十方不可計量倍百千垓佛土滿塵諸菩薩等品數如是悉來集會充於十方諸法境界示現無極嚴淨菩薩普演大光感動一切諸佛

卷十三

六

世界驚駭天官降伏魔衆滅除一切衆惡諸趣宣暢如來無量威尊不可稱計諸法之樂讚如來德弦出無量而兩一切無有涯底衆寶奇特種種供具不現無極各各異身一切咸問如來法門已身之器所受無量承佛聖旨悉共同音演一等聲善哉善哉鄉佛之子乃能頌宣如來無等倫法又所翫習比丘願賢達無量稱入音聲等親從如來辭來至此其佛世界名曰普光其法亦然如今於此等無有異咸說斯法承佛聖旨遠如來典是爲佛子證明現在佛所建立詣此衆會又如於本建立所致逮得諸法遵修德本如來聖慧

咸周虛空諸佛國土一一界土四方之域顯示如來之所建立佛之國土不可限量百千佛土滿其中塵土諸菩薩來皆是如來威神之德修無等倫以此章句於是嚴飾審諦無損無能過者於斯普賢菩薩來觀一切諸菩薩德察法際已宣暢大聖之姓族地理釋諸佛無極之道如來之法而無有侶即使咨嗟廣達無邊參宿德本剖判光動一切無形演說佛典普解衆生志性所趣靡不徧覩令諸群黎遠得應時不捨法句使諸菩薩念不可量道法光明縛了繯練出尊無極建立無慢現言歌詠一切如來悉爲一身合一法體又復

卷十三

七

四曰喻幻五曰野馬六曰若窪七曰呼響八曰若影九曰如化十曰如空是爲菩薩遠十法忍彼則何謂爲音響忍諸所聞音不懷恐怖不畏不懼喜樂思順諸所遵行無所違失是音響忍何謂柔順法忍菩薩隨順應遊法生而觀察法造立行等不爲逆亂設使諸法應柔順者當度度之志性清淨遵修平等勤加精進順入成就是柔順法忍何謂菩薩不起法忍菩薩設觀諸法有所生者都無處所不計滅盡亦無所見其不生者則無所滅其無滅者則無所盡其無盡者則無所壞其無壞者則無涯底其無底者則寂然地其寂然地者則憺怕也其憺怕者則無所行其無所行者則無所願是爲不起第三法忍何謂菩薩喻幻法忍曉了諸法一切如幻因緣而成篤信一法濟度若干無央數法以無數法等入一法入於吾我入無所入諸所建立導利衆行悉無所著猶如巨象衆乘之上若幻不

與衆象車騎步人遊居不與男女童子童女  
大小遊居不與樹木枝葉華實而俱遊居菩  
薩曉了一切諸法若如幻者不合不散不與  
地水火風而俱遊居不與晝夜十五日一月  
一歲而俱遊居不計百年千年不與日月劫  
數而俱遊居不與影響諸所衆見而俱遊居

不與若干亦不若干而俱遊居不以若干入  
于一事而與遊居不與微妙及劣下極柔軟  
麤獘而俱遊居不與萬少弘多遊居不與有  
限無限遊居不與若干各異衆會并處色者  
而俱遊居其衆會者不與幻變而俱遊居其  
所幻變不與衆會而俱遊居無居不居無所

卷十三

八

不居而等濟度一切諸見及若干幻各各異  
見於斯諸見永無所見乃見一切諸趣根源  
是爲佛子名曰菩薩遊入如幻而度於世所  
行塵勞世國土俗遊法世吾我世痛癢世有  
爲出離有出合會世無合會世分別出所造  
行世是爲菩薩濟度世名則以幻化普入諸

世不受衆生不壞衆生不受國土不敗國土  
不受干法亦不壞法不念過事於過去事亦  
無所想亦不難想亦無當來亦無造行不隨  
未然不往現在不毀所存則於佛道而不馳  
驛不想念道亦不與佛亦不勸佛而取滅度  
不住諸願不捨所誓遵修平等亦不嚴淨無

所呈報開導國土勸使進入無所破壞住于  
法本而不動轉等入吾我亦不違毀吾我之  
想陰種諸入訓誨衆行蠲除所著度脫黎庶  
於斯諸行無所依倚曉了諸法而悉平等求  
不可得分別諸法但假字耳聖達明慧無能  
遊者度脫衆生恒順時宜亦不依倚群萌因

緣住于大哀暢宿世行不可計會報應之事  
皆令信了是爲幻喻第四法忍何謂佛子菩  
薩大士野馬法忍菩薩曉世一切所有悉爲  
恍惚猶如野馬人遙覩之如江河流而有波  
起達士了之焰氣無水菩薩如是分別諸法  
有無衆事無內無外不有不無亦無斷滅不

卷十三

九

計有常不入教誨輕慢之內觀覩如有而無所趣心不歸外亦不處內爲一像貌若干之像知無像貌一切諸法具足微妙皆悉無本是爲野馬第五法忍何謂佛子菩薩大士喻夢法忍菩薩觀世猶如夢想如人之夢不處於世不從世興不從世生又夢者夢無有欲界亦無色界無無色界所以謂夢則無所生悉無所有夢無塵勞則無結恨又計夢者既無所生亦不清淨夢不見夢菩薩大士觀一切世曉了如夢亦無明達亦無間冥夢者自然夢無所著夢者恍惚夢者本淨有所建立而有此夢夢無所壞因所念想故而有斯夢設能曉了一切諸法若如夢者開導世間是爲若夢第六法忍何謂佛子菩薩大士如響法忍菩薩學法所入諸音設有所學度於末度學法開化了於一切猶如呼響非不有聲然本悉寂亦無所度菩薩大士如是色像察於如來内外諸響亦不別見内外諸事亦不

知外亦不以內而了外事不見所託曉知言辭進退之宜是爲解知若干章句因緣如響有所啓導於諸法施靡所不達亦無所礙有所學者分別曉了一切諸聲悉無所有猶如天上殊妙玉女屬天帝釋而以一口同時鼓出百千伎樂之音又其伎樂無所想念口亦

無念喜今演世百千妙響菩薩大十二度諸境界亦無想念亦無言辭曉了權宜成無量音方便無限度於世法亦不退還常轉諸界入群黎衆爲諸會者分別說之多所開導則建立之口暢演現無量噪音徧諸佛土令其信樂頌宣經典訓導黎庶爲奮光明散照未悟悉使覺了一切諸音雖有所說皆無所生遊若干音都無想念益加開導解無所生宣諸覺場遠至聖塗差足薩大士已住於此等無所獲今普聽者入於一切諸佛所興面見諸佛轉於無限所度法輪順無想念是爲如響第七法忍何謂佛子菩薩大士若影法忍菩薩

不沒於世不生於世不遊於世不出於世不行於世不信法界不壞習俗又於世界亦無不壞不至於世不貪樂世不御於世不長於世又彼菩薩不處於世亦不度世亦不奉行菩薩之行無所篤信於大誓願不實不虛不有不無無虛妄行則趣一切諸佛之法普

周世間靡所不徧於世俗法亦無所住不隨俗教猶若如影假如日殿亦如月照男女樹木山陵屋宅諸神宮殿諸江河流若干種形無量因緣不可盡極諸所方面因日光明悉觀衆像知其所趣如清淨水又如船師若夜光珠因其所見而得自在於斯所好當所施者其不清淨無光曜者參蒙其明而蒙暉照亦無所造又其光明亦無所有無有音響亦無所生因其光明而有所別然其光明無所遊居雖為清顯亦復不與清顯同處於光明地亦謂光明照若干流亦無所照則無所周影亦不入江河泉源大海淵池又計其影亦

無所處亦無所著其影所現亦無鮮潔不有瑕疵斯影不現則於彼間不倚得本其影廣現無遠無近菩薩如是所開化者已及彼性志行所趣而得自在所觀衆生道慧之場有所勸發他志所行等無差特分別己身所遊道場而普審察己界他界悉無二品如種樹

卷十三

十一

者從始生芽展轉滋茂稍漸成長而生莖節枝葉華實菩薩如是於己法界及與他界分別諸相法無有二則得超入無礙本際彼菩薩身則得越過不可思議諸佛國土見諸佛土亦無所著於諸世界亦不轉移至諸佛界亦無所至法身所至如日殿影在所見矣其

身普入現一切界有所現生行無罣礙亦不分身亦無所行無是世間世俗之想觸除方土虛無之辭亦不散身遠不終始無所不覆如來之種本際所行亦不復淨身口意行便得遊入咨嗟無量淨一切身靡不周達是為若影第八法忍何謂佛子菩薩大士如化法

忍菩薩普入世俗若有所至觀了衆生一切如化然不適識念如化事所謂化者則謂一切諸有世界因所造行思想所化皆是一切苦樂顛倒斯化等類一切世間悉緣無明或以思想便成塵勞衆想之念因緣化生由是建立宣暢咨嗟音響法律以無想教而開化

之堅固不退道令平等寤諸不覺立志誓願行如化者觀察如來大哀之行黎庶化生曉了於斯謂修法輪善權方便以慧無畏四分別辯聖達自在如是菩薩化度于世超世功德辯才自由恢弘無際入於無量億千之衆處於其中而得自恣悉能曉了人行天動觀于聖路示以大道如其所行無所違失譬如化人則無所念亦無所造不興心事亦不於法而有所住不從業起亦不望報無所遊至不出于世亦不於世而成正覺亦不念法不習諸法亦不久住亦不須臾亦無所處不行習俗不長世間無方面辭不近諸限亦無不

限不增不減無有篤信亦無不信無有聖賢亦不凡夫無有塵勞亦不結恨不沒不生亦無有慧亦無不慧亦無所有亦無微妙不依倚世亦不導御於諸法界不智不愚亦無所受亦無不受無有五陰亦不無陰無有生死亦不滅度不有不無如是菩薩遊行於世修

卷十三

十一

菩薩行曉了辯才不建憍慢觀見世間無有自大邊所修行不爲己身不爲出俗無放逸者而無吾我離著貞高亦不倚此亦不依俗捨其慢恣無所想念不處於世不斷於世亦不於法而恣自在不於人界有所倚著無所開導亦不處於衆生之界無有所願亦無想念亦無所淨又於諸法無所莊嚴諸佛之法悉無所有具足成就乃至大道又斯諸法不有不無猶如彼化不有不無達化菩薩住於法忍而等曉了一切佛道已得成就造立誠諦斯則菩薩周覽佛法如化無礙普於佛道

而無所獲衆生之行無諸陰蓋不起有身入

一切身而開導之有所建立而無所著若見色者於色如化悉無所著而得具足真諦本際自然之明有所照曜於解脫法而無所倚於一切法現有所生而無所生如彼化人無所識念本性清淨有所受言如所證講順一切律亦無想念如化感動變異所造現來詣

此一切如來至聖道場無諸退緣亦無所生興無罣礙成一切力悉無所想如彼化人其心咸達而不蔽礙圓神之山是爲如化第九法忍何謂佛子菩薩大士如空法忍菩薩觀入衆生之界猶如虛空無有緣相一切法衆亦復如茲入諸佛土而無有誠諸法虛空無

卷十三

十一

有二事菩薩如斯入無所誓猶如虛空包諸佛土亦復如斯無所縛著與於如來所入之力而俱遊同猶如虛空所入無二道亦如斯無云來今慧亦如之皆分別說一切諸法所入如是菩薩大士逮得法忍猶如虛空所致聖慧亦復如茲於斯諸乘有所獲致悉如虛

空身口意所獲自在猶如虛空所逮諸法因意所念而有所成猶如虛空於一切法而無所種不沒不生菩薩如是於一切法而得自在不終不始猶如虛空無有處所無能毀者於諸通慧無有處所亦無所壞於諸佛力猶如虛空自然而住於一切世而無所住則爲自然之境界也菩薩如是建立衆生亦無所立一切如化猶如虛空不起不滅亦無所生含受一切世界所有菩薩大士如是亦無所住無所成就有所嚴淨也因其普顯一切世界猶如虛空無有處所亦無方面無有邊際亦無涯底暢達深廣靡不周至菩薩如是無

有處所亦無方面而有所至也於一切法宣達恢弘等御諸行靡不周備猶如虛空有住依立則無所生而現衆庶含慕衆形菩薩如是不行不往遊隨衆行而有所現亦無所生猶如虛空無有形像亦無不像無清淨行亦無穢濁因有道御菩薩如是無世形像無度

世像無無量像因有所現猶如虛空無有久固無須臾立菩薩如是不以存立不須臾住猶如現影而無有影爲菩薩行若晚了此乃得究竟行如虛空現諸塵勞而無藏礙現諸結恨而無怨憎菩薩如是則以道力降伏衆魔一切清淨其心鮮潔寂寞恬怡等包一切

世間所有又如虛空所裹世間等無差特菩薩如是於一切法而悉平均菩薩大士又於諸法亦無所導無所忘失猶如虛空等裏一切欲限虛空無有邊際菩薩如是於一切法志性俱遊又其道心無有邊際所以者何其虛空者所周平等菩薩於己而遵修行成就

卷十三

十四

清淨造於平等爲一周業則以一事轉爲無量盡遊諸刹若如虛空於諸佛土無所究竟而得具足於諸方面而無所住遊入諸力成就神通一切諸德不可限量殊特之事自然具足悉獲諸法至度無極得堅固御志如虛空若如金剛於一切響無所想念開導諸音

則不違捨法輪之轉假使菩薩行能具足成斯忍者則得自在亦無所至無往無來悉無所趣乃得自在而無所滅便於無爲而得由已無所忘失除無實身成就真體順如律教心無所望則爲一相其身自在入於無相則以無相無有限量佛力無限身普自恣靡不

周達則護己行身無所壞而得由已堅固平等有所降伏一切普入其目咸觀眼則清淨己無陰蓋離欲之行亦無不行猶如虛空寂默無限所入之處則以無忍無所不忍是所謂功德也己普辨大至于憚怕猶如虛空無有危厄一切菩薩晚了所行入於清淨心等

如空無所毀失一切佛法若如巨海殊特無限有所遊入無有斷絕入諸佛土建立誦導無限國界衆生之黨虛無底離諸色像無衆音審察長見諸普隨示現尋開化之具足成就志固如空無能沮敗其心堅強悉得究竟普等出界亦如虛空悉無所言其堅固者

無趣諸世除諸恩愛能具大道其劫悉燒天  
地灰燼不燒虛空虛空無燒攬舍悉一切諸佛  
世界菩薩如是入於諸力建立無上正真之  
慈是爲佛子菩薩大士了諸法如空第十法  
忍普賢菩薩說是經時諸菩薩衆諸天龍神  
阿須倫世人莫不歡喜

佛說如來興顯經卷第四

羌十三

譜及音紺古音反 嫣音恂相諭反 胚音宿下音宿  
綜宋用反 繼主疲疾反 燐才進反